

## **Lima Strategi Utama Mantapkan UAE**



Petaling Jaya, 13 Jun –Lima sinergi bagi strategi utama bakal dilaksanakan UMP Advanced Education (UAE) untuk terus mengorak langkah menjadi peneraju pembelajaran sepanjang hayat dalam menawarkan program separuh masa, program profesional dan eksekutif, keusahawanan, kemahiran vokasional, program komuniti serta pembangunan kompetensi yang berimpak tinggi.

Menurut Ketua Pegawai Eksekutif UAE, Mohamad Rozi Hassan berkata, pihaknya akan memberi tumpuan dalam memperkuat sistem latihan, akses dan pembangunan kompetensi serta memantapkan pendekatan kalaborasi strategik dengan pemegang taruh. "Penjenamaan dan peningkatan imej UAE juga penting agar dikenali sebagai pusat pembangunan kompetensi dan menjadi agenda penting adalah memantapkan pengurusan dan pembangunan sumber manusia berprestasi tinggi," katanya.



Tambah beliau, pihaknya juga akan memfokuskan terhadap mengupayakan pengurusan kewangan dan projek yang cekap dan berkesan dalam memastikan sinergi ini berterusan. Lima sinergi ini berjaya digarap dalam Bengkel Perancangan Strategik UAE melibatkan kehadiran barisan kepimpinan UAE baru-baru ini.

Pada masa yang sama berlangsung Mesyuarat Lembaga Pengarah UAE yang dipengerusikan oleh YH Dato' Hj Ahmad Azmey Hj. Abu Talib serta ahli-ahli lembaga pengarah melibatkan Naib Canselor UMP, Profesor Dato' Dr. Daing Nasir Ibrahim dan Ketua Pegawai Eksekutif Kumpulan Perbadanan Menteri Besar Kelantan, Tuan Hj Ahmad Zakie Hj Ahmad Shariff.

Turut diadakan majlis makan malam bagi meraikan rakan kerjasama UAE membabitkan Vocational Education Training Academy (VETA), Suria College of Hospitality, Northern Business Academy, Kolej IVC, Pusat Latihan Kemahiran Pure Technics, Global Edu Training Centre dan Gemilang Motor Academy. Turut hadir rakan kerjasama lain iaitu Warisan Akademi Pendidikan (WAP), European Global Academy (EGA), Mutiara Biru Ehsan, PHM Education Group serta ANIM Group.



**Gambar dan berita disediakan oleh Zainal Bahari dari UMP Advanced Education dan suntingan oleh Unit Perhubungan Awam, Bahagian Komunikasi Korporat PNC.**

Posted By : NOR FADZILLAH BINTI ZULKIPLI Date Posted : 03-07-2015, 16:30:40